



7. maj 2021

Inatsisartut ingerlatsinermut maleruagassaasa § 37 imm. 1 tunngavigalugu Naalackersuisunut ukuningga apeqquteqaateqarpunga:

**Naalackersuisunut apeqquteqaatit:**

- 1) Aasianni ernisarfik ammaqpinneqassappat, nutaanerusunik naatsorsuusiortoqarsimava?  
a) Taamaattoqarsimappat aningaasat qanoq annertutigisut Aningaasanut Inatsisissami naatsorsuutigineqarpat?**
- 2) Ernisarfinnik piffinni allani pilersitsinissamik Naalackersuisut pilersaaruteqarpat?**
- 3) Arnat illoqarfigisaminni meerartaarsinnaanerannut misissuineranut atatillugu, Naalackersuisut qanoq annertutigisumik misissuisitsiniarpat, soorlu nalunaarusiornernut nalilersuinernullu?**
- 4) Peqqinnissaqarfik ilumini sulisussarsiortarnermut sulisunillu attassiniarnermut periusissiamik peqarpoq. Naalackersuisut sulisussarsiortarnermut Cubamiunik peqqinnissamik ilinniagalinnik sulisoqarnissaq ingerlatiinnarniarpaat peqqinnissaqarfiup ulluinnarni ingerlaneranut sulisunik pisariaqartunik pissarsiornerminni?**
- 5) Naalackersuisut oqaluuserisamut soqutiginarsinnaasunit allanik paasissutissiisinnaappat?**  
(Inatsisartunut ilaasortaq Anna Wangenheim, Demokraatit)

### **Tunngavilersuut**

Kalaallit Nunaanni ukiumut meeqqat 900 missaat inunngortarput. Taakkunanga assigiinngitsunik peqquteqartumik naartusut amerlasuut Nuummi ernisarput. Pilersaarutaareersimasinnaasarpoq, aammali anaanamut meeqqamullu ulorianartorsiorsinnaaneq peqqutaasarluni, taamatullu tassanngaannaq pisoqarnera peqqutaasinnaasarluni.

Kalaallit Nunaanni inoorlaat toqusarnerat pakkersimaarniarlugu isummertoqarsimavoq WHO-p piumasaaqataai toqqissisimasumik/isumannaatsumik ernisussiortoq, nakorsaq pilaalluni ernisitsinnaasoq, pilaalluni ernisitsinermi ikiuussinnaasut, aaviisartoq aamma inimik pilaaviusinnaasumik peqarnissaq malinneqassasoq. Taakku kingunerisimavaat, ukiuni qulikkaani inoorlaat anaanaasullu toqusarnerat apparisimammat. Sulili sulisunik ilinniarsimasunik amigaateqarpugut kisitsisit apparsimaartinnissaannut, pingaartumik periarfissinneqassappat Kalaallit Nunaanni piffinni amerlanerpaani ernisitsisarnerup ukkatarineqarnissaa.

FN naliliivoq naartunernit tamanit 42 procentit akornuteqalersartut, 15 procentinilu inuunermik ulorianartorsiorfiusumik, amerlanerpaatigulli akornutigineqartut ikiorserneqarsinnaasarlutik, passussinissamut naleqquttunik pigisaqaraanni. Ilinniarsimasunik ernisitsinnaasunik peqarnerup aammalu tassanngaannartumik ernisoqartillugu piareersimasunik peqarnerup, anaanaasut toqusarneri 75 procentimik appartissinnaagaa.



Taamaattumik pissusissamisoorpoq Naalackersuisut aperissallugit qanoq ililluni erninermi piareersimasussat toqqissisimanartut qulakkeerniarneraat, qanoq akeqassanersut aammalu minnerunngitsumik pitsaassuseq qaoq ittoq ukkatariniarneqarneraq. Ukiuni makkunani, siunissamilu arnaq kinaluunniit meeqqamik inuunermik tunisisoq toqusariaqanngilaq. Tamanna akuerineqarsinnaanngilaq. Navianartorsiortitsissanngilluinnarpugullu.

Maluginiarpara, maannakkut pissutsit misissorlugillu nalilersorniarneqartut, tamannalu paasinnittaasera malillugu kingumut alloriarneruvoq nukinnillu atuilussinnarnerulluni. Ilisimavarput, suliamut piginnaasalinnik amigaateqarluta, taamaattumillu Naalackersuisut unikaallagatik sulisunik pissarsiniarnissaq qulakkeertariaqarpaat sullissinermut pitsaassuseq atuuttoq attatiinnassagunikku.

Apeqqutima ullut suliffiusut qulit iluanni akineqarnissaat kissaatigaara.